



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Tractatus De Fiducia In Deum Plurimas Et Utilissimas pro  
vitâ spirituali instructiones Continens, Præcipue Ad  
Obtinendam magnam animæ quietem, & afflictiones  
quascunque ingenti cum solatio & fructu ...**

**Dusault, Nicolas**

**Coloniæ Agrippinæ, 1660**

§. 19. Deus quos amat, castigat.

[urn:nbn:de:hbz:466:1-50333](https://nbn-resolving.org/urn:nbn:de:hbz:466:1-50333)

Chrystomus, falleris, quisquis eum perdisse bona sua credis. Accepto nuntio de decem liberorum suorum morte, de ruinaedium, de clade servorum, de rapina camelorum, bouum atque ovium, jacturam etiam passus honoris & sanitatis suæ, his omnibus perditis, nihil perdidit, omnia bona sua tenuit, conservavit inviolata, possedit integra. Nam si verè loqui velimus non possidebat illa bona quàm Deum, & quam in divina positam habebat providentia fiduciam invincibilem; hæc ejus erant divitiæ, hi thesauri, hæc felicitas, hæc potentia, hæc verissima & unita bona, cetera ut commodata habebat. Idcirco nec exposulavit, nec questus est, quando illis repetit qui commodaverat, sed gratias laudesque Deo reddens exclamavit: *Dominus dedit. Dominus abstulit. Sit nomen Domini benedictum.*

## §. XIX.

*Deus quos amat, castigat.*

**S**anctissimus Ecclesiæ Doctor Augustinus amore suo præclare omnino super prædictum commentatur ostenditque singulari devotore affici quicumque meretur ab eo affligi & cum castigatur, ferientis manum agnoscit, prorsus ad Deum tuum refer flagellum tuum

inquit, Mi homo quisquis in hoc mundo ad-  
versa pateris, cave fortunam accuses, aut dæ-  
monem, aut homines impios, aut inimicos  
aut invidos: non est alia fortuna, quam  
Dei Providentia; si alium tibi autorem  
imaginaris, fictum Dei loco statuis si-  
mulachrum: Creaturæ, quæcunque te  
torquent, flagelli instar sunt in manu e-  
jus, his utitur ad castigandum te velut  
hostem suum, aut certè ad probandum  
te & in perfectione virtutum provehendum  
sicut filium suum. Scias ab eo hæcenus in-  
numerum amicorum suorum receptum  
neminem, quem non prius adversitatibus  
varijs exercuerit, ut patientiam disceret &  
humilitatem & abnegationem sui ipsius &  
alia hujusmodi insignia spiritus quem donat  
his qui sunt ejus, assumeret, quibus hæc  
à ceteris discernuntur. Talem cœlestis Pa-  
ter educendi & gubernandi filios suos mo-  
dum tenet, hoc caractere solet eos insignire  
simulac in familiam suam atque inter hæ-  
redes suos adoptat. *Corripit omnem filium,*  
*quem recipit;* Vis audire quam omnem, sub-  
dit in hunc locum idem Hipponensis Do-  
ctor: etiam unicus Dei Filius sine peccato  
fuit, non tamen sine flagello. Filius Patri suo  
& sapientiâ & bonitate & potentiâ æqualis,

in naturâ unus, in maiestate par, verus Deus  
 æternus & immortalis, sine tribulatione non  
 vixit, in laboribus à iuventute, in ærumas  
 multis, in persecutionibus varijs, adeo mis-  
 eratus erat primogenitus & dilectus præ omni-  
 bus, ita præ omnibus exquisita sustinuit op-  
 probria, tormenta, mortem denique Crucis  
 ignominiosissimam, eo redactus miseriarum  
 ut non esset *ei species neque decus, sed depre-*  
*ditus & novissimus virorum, vir dolorum &*  
*quasi leprosus & percussus à Deo & humilia-*  
*tus mundo appareret.* Isai. 53. Cum tot tante  
 que in corpore & anima passus sit Dei Filius,  
 quanta potest, imò plura quam ullus homi-  
 num vel passus est aliquando, vel pati potest,  
 tu qui in peccato natus omnem luere poenam  
 debebas, quam ipse pertulit, eximius vis esse  
 & exemptus ab adversitatibus & dolorum  
 perpeffione? Quis sanctorum, inquit Hiero-  
 nymus, sine certamine coronatus est? Abel  
 justus occiditur, Abraham uxorem pericula-  
 tatur amittere. Quære & inuenies singulos  
 aduersa perpeffos. Et quidem sanctorum ma-  
 ximos maxima Hæc est via qua Deus peribe-  
 rit amicos suos nonnunquam ad dignitates  
 huius vitæ, si ita expedit, aut certè ad celestis  
 gloria cum tempus aduenit, ea potiundi.